

ՅՈՎՀԱՆՆԷՍ ՔԱԶԱԶՆՈՒՆԻՆ՝ ԽՈՐՀՐԴԱՅԻՆ ՀԱՅԱՍՏԱՆՈՒՄ

Անուանի ազգային-քաղաքական եւ կուսակցական-պետական գործիչ՝ Յովհաննէս Քաջազնունին յայտնի է որպէս 1918-1920 թուականների Հայաստանի հանրապետութեան առաջին վարչապետ, Բաքուի հայկական սբ. Թադեւոս-Բարդուղիմէոս մայր տաճարի ճարտարապետ եւ «Դաշնակցութիւնը անելիք չունի այլեւս» հանրայայտ գրքի հեղինակ, իսկ ժամանակակից պատմագրութեան մէջ շատ աղօտ եւ ոչ յստակ տեղեկութիւններ կան Քաջազնունու՝ Խորհրդային Հայաստանում ապրած տարիների մասին, եւ քչերին է յայտնի, թէ ինչ ճակատագրի արժանացաւ հայրենիք վերադառնալուց յետոյ: Ընթերցողի ուշադրութեանն ենք ներկայացնում նրա կեանքի՝ Խորհրդային Հայաստանում ապրած տարիների չլուսաբանուած էջերը:

1923ի Ապրիլի 7ից մինչեւ Մայիսի 19ը Վիեննայի մէջ գումարում է Հ.Յ.Դ. Արտասահմանեան մարմինների արտակարգ խորհրդաժողովը¹: Խորհրդաժողովին հրաւիրւում է եւ Յովհաննէս Քաջազնունին, որ Սիմոն Վրացեանի եւ Ռուբէնի (Ռուբէն Տէր-Մինասեան) հետ միասին պէտք է հանդէս գար զեկուցմամբ, սակայն վերջին պահին հրաժարւում է մասնակցելուց եւ Վիեննա մեկնելուց: Խորհրդաժողովին՝ նա կնքուած ծրարով ուղարկւում է իր պատրաստած զեկուցումը, որ վերնագրուած էր «Հ. Յ. Դաշնակցութիւնը անելիք չունի» եւ հանգամանօրէն փորձում է բա-

ցատրել կուսակցական ընկերներին, որ Խորհրդային Հայաստանի նկատմամբ Հ.Յ.Դ. կուսակցութեան վարած քաղաքականութիւնը անարդիւնաւէտ է, եւ պատմական տուեալ ժամանակաշրջանում Հ.Յ.Դ.-ն անելիք չունի Հայաստանում: Նա կոչ էր անում դադարեցնել պայքարը եւ համախմբուել Խորհրդային Հայաստանի շուրջ՝ միաժամանակ զարգացնելով այն միտքը, թէ Հ.Յ.Դ.-ն պէտք է ինքնալուծարուի: Յովհաննէս Քաջազնունու զեկուցում-առաջարկն ընթերցւում է խորհրդաժողովում, բայց չի քննարկուում, այլ մերժւում է միաձայն: Ինչպէս նշում է Հ.Յ.Դ. Բիւրոյի անդամ Արշակ Զամալեանը, խորհրդաժողովի անդամները, անլուրջ մի բան համարելով, մինչեւ անգամ աւելորդ նկատեցին նրա քննութիւնը ըստ էութեան²: 1923ի Յուլիսին Քաջազնունին իր զեկուցումը կուսակցական շարքային ընկերներին աւելի մատչելի դարձնելու նպատակով, հրապարակում է առանձին գրքոյկով, որ մեծ աղմուկ է բարձրացնում թէ՛ Հ.Յ.Դ. կուսակցութեան մէջ եւ թէ՛ սփիւռքի գաղութներում: Նոյն թուի Օգոստոսի 15ին Քաջազնունին նամակ է գրում Կարպատների մեկուսի կոմիտէին (Հ.Յ.Դ. կուսակցութեան այն շրջանի ղեկավարութեանը, որի մէջ գտնւում էր ինքը), որով յայտնում է, որ դուրս է գալիս կուսակցութեան շարքերից³, իսկ 1924ի Մարտի 15ին դիմում է Պեռլինի Խորհրդային իշխանութեան Անդրկովկասեան Խորհրդային Հանրապետութիւնների առեւտրական ներկայացուցչին՝ Խորհրդային Հայաստան վերադառնալու թոյլատրութիւն խնդրելով⁴:

1924ի Սեպտեմբերի 25ին Անդրերկրկոմի խնդրանքով եւ Ալեքսանտր Մեասնիկեանի զեկուցումով Համկ(բ)Կ կենտկոմի քաղբիւրոն վերադարձի թոյլտուութիւն է տալիս Յովհ. Քաջազնունուն⁵: 1924 Նոյեմբերին նա փորձում է Կոստանցիա նաւահանգստից վերադառնալ Բաթում, սակայն նաւ չլինելու պատճառով անցնում է Աթէնք: Այնտեղ նա մնում է մօտ մէկ շաբաթ եւ

¹ Քաղուածքներ Հ.Յ.Դ. Արտասահմանեան Մարմիններու Արտակարգ Խորհրդաժողովի Որոշումներէն, Վիեննա 1923, էջ 1: ՏԱՍՆԱՊԵՏԵԱՆ Հ., Հ. Յ. Դաշնակցութեան կազմակերպական կառոյցի հոյուլոյթը, Պէյրուք 1974, էջ 127: ОГАНЕСЯН Э., *Век Борьбы*, Ереван 2010, с. 261: «Նոր Արշալոյս», 1 Յուլիսի 1923, քիւ 27:

² ԶԱՄԱԼԵԱՆ, Ա., Յ. Քաջազնունին եւ Դաշնակցութիւնը, ի «Հայրենիք», Յունուար 1924, (Բ. տարի), N 3, էջ 48:
³ ՔԱԶԱԶՆՈՒՆԻ, Հ., *Յետ մահու պատմութեան, յուշեր, յօդուածներ, նամակներ*, Համագրային հրտ., Պէյրուք 1965, էջ 243-244:
⁴ Անդ, էջ 12-13:
⁵ Հայաստանի Ազգային արխիւ (այսուհետեւ՝ ՀԱԱՅ), Ծ.1, ց. 4, գ. 19, ք. 159, քնագիր-ձեռագիր:

հարցազրույց տալիս տեղի «Նոր Օր» հայկական թերթին: Լրագրողի հարցին՝ արդեօք մասնաւոր պաշտօնով էք այցելում Հայաստան, Քաջազնունին պատասխանում է. «Ո՛չ, Հայաստան կ'երթամ որովհետեւ իմ տունն է: Գիտե՛ք որ արտասահմանի բնակութեան պայմանները ժլատ են: Այսպէս, օրինակի համար, երկու տարի է Վերոր Ռումանիա էի, մեծ դժուարութիւններով կը կարողանայի բանի մը ամիս եւս մնալու արտօնութիւն ստանալ ոստիկանութենէն: Արդէն վաղուց կը մտածէի տուն վերադառնալ, որովհետեւ մտադրութիւն չունէի արտասահմանին կապուելու: Իբրեւ մասնագէտ-երկրաչափ կը խորհիմ երկրի վերաշինական ձեռնարկներուն իմ մասնակցութիւնը տանիլ»⁶:

Դեկտեմբերի վերջերին Յովհաննէս Քաջազնունին Աթէնքից հասնում է Բաթում, որտեղից անցնում է Թիֆլիս, իսկ 1925ի Յունուարի 19ին նա արդէն Երեւանում էր⁷: Իր՝ Հայաստան վերադառնալու կապակցութեամբ «Խորհրդային Հայաստան» թերթում հրապարակուած հարցազրույցում Քաջազնունին ասում է. «Իմ գալու նպատակը Խորհրդային Հայաստանում աշխատելն է: Ես շատ ջերմ ցանկութիւն ունեմ աշխատելու Հայաստանի շինարարութեան մէջ իմ մասնագիտութեան ասպարէզում»⁸: Նոյն միտքը Քաջազնունին իր նամակներից մէկում յայտնել էր իր դստերը՝ Մարգարիտային: Նա մասնաւորապէս գրում է. «Մի տենչ ունեմ միայն. վերադառնալ Հայաստան եւ աշխատել հայ ժողովրդի համար, - ինչ աշխատանք էլ լինի՝ թէկուզ Երեւանի փողոցները սալայատակել ու արկղերը կանոնաւորել: Այդ յոյսով էլ ապրում եմ»⁹:

Եւ իրապէս մեծ յոյսերով ու նպատակներով Քաջազնունին վերադարձաւ Երեւան ու պատանեկան խանդավառութեամբ գործի անցաւ՝ իր մասնագիտական գիտելիքներն ի սպաս դնելով նոր Հայաստանի կերտմանը: Այդ տարիներին Հայաստանում ընթանում

6 «Նոր Օր», 12 Նոյեմբերի 1924, Բ. տարի, քիւ 346: «Արեւ», 29 Նոյեմբեր 1924, Ժ. տարի, քիւ 1753: «Արձագանք Փարիզի», 28 Դեկտեմբեր 1924, Թ. տարի, քիւ 34:

7 «Խորհրդային Հայաստան», 22 Յունուար 1925, քիւ 17:

8 Անդ:

9 Եղիշէ Զարեմցի անուան Գրականութեան եւ արուեստի թանգարան (այսուհետեւ՝ ԳԱԹ), Յ. Քաջազնունու ֆոնդ, քիւ N 4212, Գ. 161, ք. 2:

էին մեծ ծաւալի շինարարական աշխատանքներ, ճարտարապետների խիստ կարիք էր զգացւում: Քաջազնունու բարձր արհեստավարժութիւնն ու խորը գիտելիքները մեծ դեր խաղացին երիտասարդ Հանրապետութեան կեանքում: 1925ին Քաջազնունին ընտրւում է ՀՍՍՀ Պետպլանին կից Տեխնիկական խորհրդի անդամ եւ կարճատեւ ծառայութիւնից յետոյ՝ Մարտի սկզբից, ստանձնում է Հայբամբակի միջին շինարարական բաժանմունքի վարիչի պաշտօնը, որ զբաղեցնում է մինչեւ 1927ի Մարտ ամիսը¹⁰: Լինելով բարձրակարգ ճարտարապետ՝ նա յաճախ էր հրաւիրւում տարբեր յանձնաժողովների, տալիս նախագծերի եզրակացութիւններ: 1926ին Քաջազնունին մասնակցում է կառուցուելիք Ժողտան (օպերայի եւ բալետի շէնքի) յայտարարուած մրցույթին (նախագիծը, ցաւօք, չի պահպանուել): 1927-29 Քաջազնունու նախագծերով եւ նրա անմիջական ղեկավարութեամբ՝ Երեւանում եւ Սարգարապատում կառուցուեցին բամբակամշակման գործարաններ (չեն պահպանուել), նոյն թուականներին Երեւանում կառուցում է ձէթ-օճառի գործարանը՝ իր բոլոր օժանդակ կառույցներով եւ բնակելի աւանով՝ աշխատողների համար: Դրանք Խորհրդային Հայաստանի առաջին արդիւնաբերական շինութիւններն էին, գործարանի մօտ բնակելի աւանի շինարարութիւնը Հայաստանում առաջին փորձերից էր եւ աշխատողների բնակեցման շրջաններն անմիջականօրէն աշխատավայրին մօտեցնելու նպատակ էր հետապնդում: Այդ միտումը բնորոշ է 20ական թուականների հայկական ճարտարապետութեանը¹¹:

1926ի Գիւմրու սարսափելի երկրաշարժից յետոյ, Յովհաննէս Քաջազնունին մշտապէս գտնուել է այնտեղ, ուսումնասիրել քանդուած տների բնույթը, առաջարկել շէնքերը ճիշտ կառուցելու

10 Հայաստանի պատմութեան թանգարանի, Նորագոյն պատմութեան փաստաթղթերի ֆոնդ (այսուհետեւ՝ ՀՊԹ-Ն. Պ. Փ. Ֆ) մվ. 17543/3, քմ. 150, ռուսերէն, բնագիր-ձեռագիր: Զարտարապետութեան ազգային-թանգարան ինստիտուտ (այսուհետեւ՝ ՀԱԹԻՖ-ՀԱՃ), Յ. Քաջազնունու ֆոնդ, Գ. 52, ք. 4:

11 ԴՈՒՈՒԽԱՆԵԱՆ, Լ., Յովհաննէս Քաջազնունին՝ ճարտարապետ, ՀՀ Գիտութիւնների Ազգային Ակադեմիա Հայոց Ցեղասպանութեան թանգարան-ինստիտուտ, Երեւան 1997, էջ 14:

ուղիներ: 1927ին հանդէս է եկել զեկուցմամբ՝ Լէնինականում իրականացուող վերականգնողական շինարարական աշխատանքների բնույթի վերաբերեալ¹²: Յետագայում՝ 1935ին, Յովհաննէս Քաջազ-նունին Լէնինականում՝ նախկին Բուլվարնայայ (Կիրովի, այժմ՝ Ռիփկովի ճեմափողոց) եւ 27րդ փողոցների խաչմերուկում, կառուցում է բնակելի նոր շէնք: Այս կառույցը մինչեւ օրս կանգուն է եւ դիմակայել է անգամ 1988ի աւերիչ երկրաշարժին ու համարում է Քաջազնունու լաւագոյն գործերից մէկը: 1927ի Մարտից Քաջազնունին աշխատել է շինարարական նախագծերի հսկողութեան ոլորտում, սկզբում՝ Տնտիսհրդին կից Շինարարա-Տեխնիկական կոմիտէում, ապա՝ Պետպլանին ԷԿՕՍՕ-ին կից Շինարարա-Տեխնիկական կոմիտէի նախագահի տեղակալ (մինչեւ 1931): 1932-37 եղել է ՀՍՍՀ Կոմունալ տնտեսութեան ժողկոմիսարիատի խորհրդի գիտքարտուղարը¹³: Միաժամանակ ժրաջան զբաղւում էր հասարակական գործունէութեամբ: Հայաստանի Տեխնիկական ընկերութեան նախագահութեան անդամ էր, ապա նախագահ: 1928ին Հ. Աճառեանի, Գ. Յակոբեանի, Ա. Տէրեանի համահեղինակութեամբ՝ Յովհաննէս Քաջազնունին իր տեխնիկական եւ գրական գիտելիքների մեծ պաշարով մասնակցում է «Շինարարական կառույցների ուս-հայերէն բառարանի» ստեղծմանը: Այդ բառարանը բաղկացած էր 7560 բառ-յօդուածներից¹⁴: 1929ի Նոյեմբերի 1ից «Կորչի անգրագիտութիւնը» ընկերութեան անդամ էր¹⁵: 1926ի աշնանից մինչեւ 1931 գարունը Քաջազնունին դասաւանդում է Երեւանի պետական Համալսարանի նոր կազմակերպուած տեխնիկական ֆակուլտետում (շինարարական արուեստ), ապա Շինարարական ինստիտուտում (ճարտարապետական նախագծում): 1930ի Փետրուարի 9ին ՀՍՍՀ Լուսժողովրդատի կոլեգիայի որոշմամբ Յովհաննէս Քաջազնունուն շնորհւում է պրոֆեսորի գիտական կոչում¹⁶:

12 ՀԱՍՅ., ֆ. 112, ց. 4, գ. 654, քք. 17-19:

13 ՀԱԹԻՖ-ՀԱՃ, Յ. Քաջազնունու փոնդ, գ. 53, ք. 3; ՀՊԹ-Ն.Պ.Փ.Ֆ. մմ. 17543/ 89, ուսերէն, քնագիր-ձեռագիր:

14 Ռուս-հայերէն բառարան շինարարական կառուցութեան, Ա.ՃԱՌԵԱՆ, Հ. - ԶԱՐԳԱՐԵԱՆ, Հ. - ՏՕՆՈՅԵԱՆ, Ա. - ՔԱՋԱԶՆՈՒՆԻ, Յ. - ՅԱԿՈԲԱՆԵԱՆ, Դ., ԵՊՀ հրտ., Երեւան 1928:

15 ՀՊԹ-Ն.Պ.Փ.Ֆ. ГИК. մմ. 17543/18, ուսերէն, քնագիր-ձեռագիր:

16 Անդ, ГИК. մմ. 17543/ 153, ուսերէն, քնագիր-ձեռագիր:

1930ին Քաջազնունին կառուցում է Ապարանի շրջխորհրդի երկյարկանի շէնքը, որի ծաւալի մէջ ընդգրկուած են նաեւ ճաշարան եւ հիւրանոցը, իսկ 1936ի Մարտի 8ին նա «Աշխատանքային պայմանագիր» (Трудовое соглашение) է կնքում Լ. Բերիայի անուան Բարձրագոյն կոմունիստական գիւղատնտեսական դպրոցի տնօրէն Ս. Խաչատրեանի հետ, որով պարտաւորւում է վերանախագծել եւ շարունակել այդ շինութեան կենտրոնական մասի եւ աջ թեւի կառուցումը: Այդ շէնքը Տէրեան փողոցի վրայ գտնուող Պոլիտեխնիկական ինստիտուտի այժմեան ռեկտորատն է, որի նախագծային եւ շինարարական աշխատանքները սկսել են Ա. Թամանեանի յանձնարարութեամբ: Ըստ Ճարտարապետ Լ. Դոլուխանեանի՝ այդ շէնքի վերաբերեալ, բացի յիշեալ «Աշխատանքային պայմանագրից», որեւէ փաստաթուղթ չի պահպանուել, եւ հեղինակի հարցը մտորումների տեղիք է տալիս¹⁷: Հասցրե՞լ է, արդեօք, Քաջազնունին իրականացնել այդ պայմանագիրը, մնացել է անյայտ:

Միաժամանակ պէտք է նշել, որ Յովհ. Քաջազնունու կեանքը խորհրդային Հայաստանում այնքան էլ հեշտ չի անցել: Հայրենիքում նա մշտապէս գտնուել է ՆԿՎԴ-ի գործակալների մշտական հսկողութեան տակ, ենթարկուել զանազան ճնշումների, հասարակութեան կողմից յաճախ մեղադրուել իր չհզօրութեան համար՝ պիտակաւորուելով որպէս «ծպտուած յեղափոխական եւ սաքտաժնիկ»: 1925 Յունիսի 6ին Հայաստանի արհեստակցական միութիւնների խորհրդի նախագահ՝ Պ. Կուզնեցովը եւ ընդհանուր բաժնի վարիչ՝ Դադայեանը, Հայկոմկուսի կենտկոմին եւ Արտակարգ յանձնաժողովին գրում են. «Վերջին ժամանակներս նկատուում է, որ նախկին դաշնակցական Հայաստանի վարչապետ Քաջազնունու Հայրամբակում պաշտօնի անցնելուց յետոյ նրա շուրջ համախմբուում են դաշնակներ եւ հակադեմոկրատական անցեալ ունեցող անձինք, օրինակ, երկաթուղու դաշնակցականների նախկին արտակարգ եռեակի նախագահ Քոչարեանը, երկաթուղու շէնքի նախկին հսկիչ Գնունին, Հայրենիքի փրկութեան կոմիտէի անդամ, որն ուղարկուած է Սարդարապադ տասնեակի պաշտօնով եւ ուրիշները: Յայտնելով վերոյիշեալի մասին, խրդրում ենք ձեռք առնել միջոցներ վերջ տալու այդ երեւոյթին»¹⁸:

17 ԴՈԼՈՒԽԱՆԵԱՆ, Լ., ճշ. աշխ., էջ 15:

18 Հ. Յ. Դաշնակցութիւնը եւ Խորհրդային իշխանութիւնը (Փաստաթղթերի եւ նիւթերի ժողովածու), Պատ. խմբ. եւ կազմող՝ պրոֆ. Վ. Ն. Ղազախեան, Երեւան 1999, էջ 210:

Այս գրութեանը ի պատասխան՝ Հայարտյան ձեռագրովի (Զեկա) նախագահ Մելիք-Յովսէփեանը (Օսիպովը) ՀԿԿ Կենտկոմի քարտուղար Բակունցին պատասխանում է, որ ՀԱՄԽ-ի թիւ 97 գրութեան առթիւ, առաջմաստից ոչ մի քայլ արուած չէ եւ որ իրենք դեռ գաղտնի կերպով ուսումնասիրում են Քաջազնունու եւ նրան շրջապատողների գործունէութիւնն ու աշխատանքը, որից յետոյ մանրամասն կը զեկուցեն¹⁹։ 1931ին Յովհաննէս Քաջազնունին Խորհրդային Հայաստանի տասնամեակին նուիրուած մի յօդուած է պատրաստում տպագրել, որն այդպէս էլ չի տպագրուում, սակայն մեծ աղմուկ է բարձրացնում ուսանողութեան շրջանում։ Ուսանողները Հայաստանի ինժեներ-տեխնիկների եւ գիւղատնտեսական մասնագէտների համագումարում, ծանօթանալով յօդուածի բովանդակութեանը օտար գաղափարախօսութիւն են տեսնում այնտեղ եւ պարսաւանքի բանաձեւ ընդունում։ Այդ համագումարում ելոյթ է ունենում ՀԿ(Բ)Կ Կենտկոմի առաջին քարտուղար Ա. Խանջեանը, որ, անդրադառնալով Յովհաննէս Քաջազնունուն, մասնաւորապէս ասում է. «...Քաղաքացի Քաջազնունին, չնայած իր ծերունի հասակին, երիտասարդի պէս ոգեւորում է մեր շինարարութեամբ, մեր կուլտուրական վերելքով։ Սակայն նա եւ նրա նմանները չեն ուզում կամ չեն կարողանում հաշտուել այդ շինարարութեան սոցալիստական իմաստի ու բովանդակութեան հետ, շարունակելով գարդարուած մնալ սոսկ լոյալութեան փետուրներով»²⁰։ Աւելի վաղ «Խորհրդային Հայաստան» թերթում Ա. Խանջեանն անդրադարձել էր Քաջազնունուն՝ Խորհրդային Հայաստանի տասնամեակին նուիրուած, բայց այդպէս էլ չտպագրուած յօդուածին։ Նա գրում էր. «...Կան միամիտներ կամ «միամիտ» ձեւացնողներ, որոնք այս կամ այն չափով կասկածում են Դաշնակցութեան դերի մասին՝ ինտերվենցիայի կազմակերպման ասպարէզում։ Նախկին դաշնակցական դեկավար քաղաքացի Քաջազնունին Խորհրդային Հայաստանի 10-ամեակին նուիրուած իր մի անտիպ յօդուածում գրում է. «Երբ մտածում եմ, թէ Միութեան վրայ գրոհ տուող այլազան ուժերի շարքերից մէկում կարող է գտնուել նաեւ մի հայ մարդ, որն իրեն հայրենասէր է անուանում, սիրտս լցւում է անհուն ցաւով ու գայրոյթով»։ Քաղա-

¹⁹ Անդ, էջ 211։

²⁰ Հ. Յ. Դաշնակցութիւնը եւ Խորհրդային իշխանութիւնը (Փաստաթղթերի եւ նիւթերի ժողովածու), ի «Խորհրդային Հայաստան», 29 սեպտեմբերի, 1931 էջ 258։

քաղաքացի Քաջազնունին կասկածում է, որ ինտերվենցիոնիստների շարքերում «կարող է գտնուել նաեւ մի հայ մարդ»։ Կարիք կա՞յ ասելու, որ երկմտել այն փաստի վերաբերմամբ, թէ Դաշնակցութիւնն ինտերվենցիան պատրաստողների առաջին շարքերում է, նշանակում է կամայ թէ ակամայ կատարել Դաշնակցութեան՝ հակախորհրդային ինտերվենցիայի կազմակերպման այդ ջերմ գործակցի դաւերն ու ոտնագործութիւնները...»²¹։ Իսկ Ա. Բզնունին նոյն թերթում անդրադառնալով Յովհաննէս Քաջազնունու քաղաքական իդէալներին եւ հայրենասիրական «միամտութեանը», գրում է. «Շինարարական ինստիտուտի կոմբիլդի դոնրաց նիստում ունեցած իր երկու ելոյթների մէջ քաղաքացի Քաջազնունին միգ էր քափում վիճարկել ընկ. Ա. Խանջեանի²² այն մասին, որ Քաջազնունու դիրքերը երկդիմի են, որ նա կոծկում է Դաշնակցութեան, որպէս հակախորհրդային ինտերվենցիայի պատրաստման գործակցի դերը»²³։ 1931ի աշնանը Յովհաննէս Քաջազնունին, չդիմանալով այդ աննախադէպ քննադատութեան ու ճնշմանը, դուրս է գալիս Շինարարական ինստիտուտից եւ այլեւս գիտա-կրթական գործունէութեամբ չի զբաղւում։ Ըստ վկայութիւնների՝ նա հանդիպել է ՀԽՍՀ ժողկոմխորհի նախագահ՝ Սահակ Տէր Գաբրիէլեանին եւ բողոքել, որ իրեն մեղադրում են որպէս հակայեղափոխական, «ծպտուած Դաշնակցական», սաբոտաժնիկ, թէ Չեկան անգամ ստիպում է դաշնակցութեան վարկաբերեալ յօդուածներ գրել մամուլում, սակայն ինքը մերժում է՝ պատճառաբանելով, որ Դաշնակցութեան մասին իր ասելիքն արդէն յայտնել է արտասահմանում, այժմ եթէ իր ներկայութիւնը անբաղձալի է եւ վնասակար Հայրենիքին, կա՞մ թոյլ տալ վերադառնալ արտասահման, կա՞մ աքսորել Սիբիր։ Ի հարկէ, Սահակ Տէր--Գաբրիէլեանը չէր կարող թոյլ տալ Քաջազնունուն՝ արտասահման վերադառնալու, բայց խոստանում է, որ նման ելոյթներ այլեւս չեն լինի նրա հանդէպ²⁴։ Բնականաբար, Քաջազնունին, ներքուստ վերախմբաւորւելով իր վերաբերմունքը Խորհրդային Հայաստանի նկատմամբ, ընդունում է, որ սխալուել է, եւ այդ մասին խոս-

²¹ Անդ, էջ 255-256։

²² ԽԱՆՋԵԱՆ, Ա., Աւելի զգաստ, աւելի աշալուրջ, ի «Խորհրդային Հայաստան», 4 Մայիսի 1931 (102)։

²³ «Խորհրդային Հայաստան», 23 Մայիսի 1931։

²⁴ ԳԵՈՐԳԵԱՆ Կ., Ամէնում տարեգիրքը, Ժ. տարի, Պէյրուք 1963, էջ 235-236։

տովանում է իր դստերը՝ Մարգարիտային: 1950ին Մարգոյ Քաջազնունին պատմաբան Դ. Մուրադեանի հօր՝ Արմէնակ Մուրադեանի հետ ունեցած իր անկեղծ զրոյցում վկայել է. «Երբ 1936 թվին՝ Աղասի Խանջեանի սպանութիւնից յետոյ, սկսուեցին զանգուածային բանտարկութիւնները, հայրս խիստ շփոթուել էր եւ տխուր էր: Նա հաւատացած էր, որ իրեն եւս կը բանտարկեն: Մտերիմ ընկերներն ասում էին, որ չպէտք էր գար Հայաստան, բայց հայրս պատասխանում էր՝ պէտք է գայի, բայց այդ գիրքը չպէտք է գրէի: Նա ասում էր՝ ես խիստ զղջում եմ: Խօսակցութեան վերջում Մարգոյ Քաջազնունին աւելացրեց. «Հայրս շատ էր ավստում, որ գրել է այդ գիրքը»²⁵:

Վերը յիշատակուած Քաջազնունու մեղադրական գործի եզրակացութեան ուսումնասիրութիւնը ցոյց է տալիս, որ 1931ին Յովհաննէս Քաջազնունու եւ մի խումբ մարդկանց նկատմամբ յարուցուել է քրէական գործ՝ ՀՍՍՀ քրէական օրէնագրքի 154րդ յօդուածի համաձայն: Նրանք մեղադրուել են անտնտեսութեան մէջ: Բանն այն էր, որ Երեւանի ձէթ-օճառի գործարանին կից գտնուող եւ Քաջազնունու նստավայր Հայբամբակի մի շէնքը, ճաք էր տուել ու ձեւախախտուել: Պատճառը պարզելու համար ստեղծուել է յանձնաժողով ու փորձ է արեւել մեղքը գցել Քաջազնունու եւ եւս երկու աշխատակիցների՝ Մելիք-Հայկազեան Մուշեղի եւ Մելիք-Աղամիրեան Հմայեակի վրայ՝ իբրեւ խորհրդային իշխանութեան դէմ ուղղուած վնասարարական գործողութիւն: Խնդրի քննարկման ընթացքում Քաջազնունին բացատրութիւն է տուել, որ չէնքի ձեւախախտման պատճառը կարող է լինել ընդերքը, որ հաւանաբար երկրաբանական հետազօտման չի ենթարկուել: Երկար քննարկումներից յետոյ Հայպէտքաղվարչութեան տնտեսական գծով լիազօր Ա. Անանովը քննութեամբ պարզում է, որ դրանում յանցակազմ չկայ, եւ 1931 Փետրուարի 26ի որոշումով այդ գործը կարճւում է գործողութիւններում յանցագործութեան բացակայութեան պատճառով²⁶:

25 ՄՈՒՐԱԴԵԱՆ, Դ., *Յովհաննէս Քաջազնունու ողբերգութիւնը. Յիշողութիւններ եւ խոհեր*, «Երկիր», Հ.Յ.Դ. Հայաստանի Գերագոյն Մարմնի պաշտօնաթերթ, 2006, 3 Մարտի №8 (1878), էջ 11:

26 ՀԱՍՅ., ֆ. 571, 5 ց, գ. 251, ք. 17, պատճեն-մեքենագիր, ուսերէն: ՅԱԿՈՒԲԵԱՆ, Ա., *Յովհաննէս Քաջազնունու մեծ ողբերգութիւնը*, «Վեմ», 2016, Ը. (ԺԴ.) տարի, Հոկտեմբեր-Նոյեմբեր, քիւ 4(56), էջ 196:

1930ական թուականներին ողջ ԽՍՀՄ-ում մուկեցում էր անհատի պաշտամունքը, որին զոհ գնացին բազում անմեղ մարդիկ: Յատկապէս 1937ին այն աւելի մեծ չափերի հասաւ: Խորհրդային ՆԳժԿ-ն չէր կարող աննկատ թողնել եւ Յովհաննէս Քաջազնունուն: 1937ի Յուլիսի վերջերին նա հանգստանում էր Ստեփանաւանում եւ իր աղջկան՝ Մարգարիտային ուղղուած նամակում յիշատակում է, որ մտադիր է մնալ այնտեղ մինչեւ Օգոստոսի 6ը²⁷: Յաւօք, դա նրան վիճակուած չէր, քանի որ Յուլիսի 28ին ՆԳժողկոմիսար Խ. Մուղղուսու ստորագրութեամբ տրւում է Յովհաննէս Քաջազնունու բնակարանը խուզարկելու եւ ձերբակալելու հրահանգ (օրդեր թիւ 6/41): Յուլիսի 29ին ՀՍՍՀ ՆԳժԿ-ն ձերբակալում է նրան Ստեփանաւանում²⁸: Հետաքրքրական է, որ Յովհաննէս Քաջազնունու ձերբակալելու եւ մեղադրանք ներկայացնելու հիմք, բացի որոշ օպերատիւ տուեալներից, եղել է նրա որդու՝ Կարէն Քաջազնունու ցուցմունքը-մատնագիրը, որում նա յայտնում է, որ իր հայրը՝ Յովհաննէս Քաջազնունին, համոզուած դաշնակցական է, «կատարեալ բուրժուա», «խորհրդային կառավարութեան քշմամի»: Ի հարկէ, դժուար չէ կռահել, թէ այդ սարսափելի տարիներին ինչպէս էին ցուցմունքները կորզուում, ու Կարէն Քաջազնունու ցուցմունքը հօր դէմ բացառութիւն չէր: Այսօր արդէն թէեւ դժուար է ասել՝ այդ խօսքերը հարազատ որդին կամովի՞ն է ասել, թէ՞ նրան ստիպել են, բայց Կարէնի գրած մատնագիրը խօսուն վկան է Խորհրդային երկրում տիրող բարքերի:

Ժամանակակիցները, ովքեր եղել են չեկայի նկուղներում ու տեսել Յովհաննէս Քաջազնունուն, իսկ յետագայում հրաշքով կարողացել են դուրս գալ Խորհրդային կայսրութեան սահմաններից, պատմել են, որ նա բանտարկուած է եղել թիւ 17 խցում ու մեղադրուել «լրտեսութեան» մէջ, իբր «գողացել եւ օտար պետութեան է տրամադրել ինչ-որ գծագրեր»: Որպէսզի ստիպեն նրան

27 ԳԱԹ, Յ. Քաջազնունու ֆոնդ, N 4212, Գ. 163, ք. 2, «Ասպնջակ», Երեւան, 26 Յունիսի, 1991, քիւ 6: ԻՇԽԱՆԵԱՆ, Վ., *Քաջազնունիներ. Հարցազրույց Հայաստանի հանրապետութեան անդրանիկ վարչապետ Յովհաննէս Քաջազնունու դուստր Մարգարիտ Քաջազնունու հետ*, ի «Գարուն», 1990թ, № 10, էջ 40:

28 ՀԱՍՅ., ֆ. 571, 5 ց, գ. 251, ք. 13, պատճեն-մեքենագիր, ուսերէն: ՅԱԿՈՒԲԵԱՆ, Ա., անդ:

խոստովանել իր արարքը, ենթարկել են զանազան կոտանքների եւ կուրացրել 3500 մոմանոց էլեկտրական լամպերի միջոցով²⁹։ Ըստ Քաջազնունու մեղադրական գործի՝ միակ հարցաքննութիւնը կատարուել է 1937 Նոյեմբերի 16ին։ Հարցաքննութեան ժամանակ Քաջազնունին չի հերքել, որ ինքը մինչեւ Խորհրդային կարգերի հաստատումը վարել է ակտիւ դաշնակցական գործունէութիւն, բայց միաժամանակ նշել, որ Խորհրդային Հայաստան վերադառնալուց յետոյ հակապետական գործունէութեամբ չի զբաղուել։ Այնուհանդերձ Յովհ. Քաջազնունուն, «փետրուարեան աւանտիւրային» մասնակցելու եւ հակասովետական գործունէութեամբ զբաղուելու մէջ մեղադրելուց բացի՝ վերագրեցին նաեւ այն «մեղքը», որ նա Հայաստանում Խորհրդային կարգերի հաստատման դէմ է, միաժամանակ դէմ է Հայաստանում Խորհրդային կարգերի վարած սոցիալ-տնտեսական քաղաքականութեանը։

Յովհաննէս Քաջազնունու մեղադրական գործը 2016ին յայտնաբերել է յայտնի պատմաբան Արարատ Յակոբեանը եւ տպագրել «ՎԷՄ» ամսագրի 2016ի եւ 2017ի համարներում։ Իր յօդուածներում ուսումնասիրելով ողջ դիւանային գործը՝ պատմաբան Ա. Յակոբեանը գրում է. «Յ. Քաջազնունու հետաքննութեան քր. գործը մեղադրական եզրակացութեամբ 1937ի նոյեմբերին (ամսաթիւը չի երեւում) ՀԽՍՀ ՆԳԺԿ Կոնդակովի հաստատմամբ ուղարկուել է ՀԽՍՀ ՆԳԺԿ-ի Եռեակի քննութեան։ Եռեակը 1937 Դեկտեմբերի 5ին մեղադրեալ Յ. Քաջազնունու հանդէպ կայացրել է գնդակահարութեան դատավիճիկ՝ անձնական գոյքի բռնագրաւմամբ։ Սակայն առողջական խնդիրների պատճառով նա պառկած է եղել Երեւանի բանտային հիւանդանոցում։ Ընդունուած կարգի համաձայն՝ մահապատիժը կարող էր ի կատար ածուել միայն բանտային (դատական) բժշկի

29 Ա.Ի.Օ, *Յեղափոխական Ալպում, ազատագրական պայքարի յուշամատեն*, Յ. Քաջազնունի. Հայաստանի անդրանիկ վարչապետը, Պէյրուք 1965, Զ., քիւ 3 (63), էջ 86-87։ ԻՇԽԱՆՅԱՆ, Վ., *Քաջազնունիներ. Հարցազրույց Հայաստանի հանրապետութեան անդրանիկ վարչապետ Յովհաննէս Քաջազնունու դուստր՝ Մարգարիտ Քաջազնունու հետ*, «Գարուն», Երեւան 1990թ., №, 10, էջ 42։ ՅԱՐՈՒԹԻՒՆՅԱՆ, Ա. Ա., Հ. Յ. Դաշնակցութեան մեծ դատավարութեան թղթածրարները, Յովհաննէս Քաջազնունու դատական գործը, ի «ՎԷՄ», 2010, Բ. (Ը.) տարի, Հոկտեմբեր-դեկտեմբեր, քիւ 4(32), էջ 189։

եզրակացութեան հիման վրայ։ Մինչդեռ դատապարտեալ Յ. Քաջազնունին գտնուել է ֆիզիկական ու առողջական այնպիսի ծանր վիճակում, որ բանտային բժիշկը չի տուել գնդակահարութիւնը իրականացնելու թոյլտուութիւն կամ առնուազն՝ ժամանակաւորապէս յետաձգել է ակտի իրականացումը, մինչեւ որ կալանաւորը կարողանայ ինքնուրոյնաբար ոտքի վրայ կանգնած մնալ։ Սակայն նախկին վարչապետի առողջական վիճակի յետագայ սրացումը (պաշտօնական վարկածով՝ ծերունական թուլութիւն, տուբերկուլեոզ եւ գրիպ) յանգեցնում է նրան, որ նա մահանում է բանտային հիւանդանոցում 1938ի Յունուարի 15ին, 70 տարեկան հասակում³⁰։ Վերջին տարիներին պատմաբանների շրջանում հիմք ընդունելով բանտային հիւանդանոցի բժշկի կազմած ակտը՝ արմատացել էր այն կարծիքը, որ Քաջազնունին մահացել է 1937 Դեկտեմբերի 22ին, սակայն պատմաբան Ա. Յակոբեանի կողմից յայտնաբերած փաստաթղթերում՝ յստակ երեւում է, որ քրէական գործում տեղ է գտել մի անճշտութիւն. ժամանակին ճիշտ չի ընթերցուել Քաջազնունու մահուան կապակցութեամբ բանտային հիւանդանոցի բժշկի կազմած ակտը, որում յստակօրէն արձանագրուած է, որ թոքախտով եւ հարբուխով հիւանդ կալանաւոր Քաջազնունին մահացել է 1938ի Յունուարի 15ին։ Սակայն նրա մահուանից յետոյ կազմուած փաստաթղթերում ընդհուպ մինչեւ 1992ի արդարացումը, Յովհաննէս Քաջազնունու մահուան թուականը սխալմամբ նշուած է 1937 Դեկտեմբերի 22ը, մինչդեռ բժշկական ակտում դեկտեմբերի 22ը նշուած է որպէս նրա հիւանդանալու օր։ Հէնց այս թիւրիմացութիւնը հարթելու համար է արժէքաւոր՝ գործում առկայ այն ձեռագիր (բնագիր) գրութիւնը, որ Քաջազնունու մահուան օրը՝ 1938 Յունուարի 15ին գրել է Երեւանի քաղաքային բանտի պետ, լեյտենանտ Միքայէլեանը՝ հասցէագրուած ՀԽՍՀ ՆԳԺԿ առընթեր Պետանվտանգութեան վարչութեան Տրդ. բաժնի պետ Գրիգորեանին։ Դրանում, հիմք ընդունելով բանտի հիւանդանոցի ակտը, յայտնուում է, որ Յունուարի 15ին, բանտի 70 տարեկան հասակում թոքախտից եւ հարբուխից մահացել է քաղաքական կալանաւոր Յովհաննէս Քաջազնունին³¹։ Յիշատակելով ժամանակակիցների վկայութիւնները՝ Ս. Վրացեանը գրում է. «Յ. Քաջազնունին բանտում

30 ՅԱԿՈԲԵԱՆ, Ա., *Յովհաննէս Քաջազնունու մեծ ողբերգութիւնը*, ի «ՎԷՄ», 2017, Թ. (ԺԷ.) տարի, Յունուար-Մարտ, քիւ 1(57), էջ 232։

31 Անդ, էջ 230-231։ ՀԱԱՅ ֆ.1191, ց. 16, գ. 2084, ք. 7։

իրեն պահել է ֆաշիստ եւ գաղափարական մարդու վայել ազնուականութեամբ: Հակառակ կրած ծանր զրկանքների, միշտ մնացել է լաւատես Հայաստանի եւ հայ ժողովրդի ապագայի մասին եւ օրինակ է ծառայել վիստուողների եւ ընկնուածների համար, մանաւանդ քանտարկուած երիտասարդութեան աչքին»³²: Հարկ է նշել, որ Եռեակը Յ. Քաջազնունուն գնդակահարութեան է դատապարտել առանց ՀԽՍՀ քրէական օրէնագրքի որեւէ յօդուածով նրա հանդէպ մեղադրանքը որակելու, էլ չենք խօսում ապացուցելու մասին: Ընդ որում, առաջադրուած մեղադրանքներում Քաջազնունին իրեն մեղաւոր չի ճանաչել: Ինչպէս նշում է պատմաբան Ա. Յակոբեանը, հազարաւոր այլ բռնադատուածների հարազատների նման իր հօրը արդարացնելու նպատակով Մարգոյ Քաջազնունին 1955 թուականի Յունիսի 22ին ընդարձակ, հիմնաւորումներով լի դիմումհայց է ուղղել Հայկ. ՍՍՌ ՊԱԿ-ի նախագահ Գ. Բաղամեանցին: Դրանց հիման վրայ Քաջազնունու քրէական գործը յանձնուել է ՊԱԿ-ի համապատասխան բաժնին՝ լրացուցիչ ստուգման ենթարկելու համար: Քաջազնունու արդարացման գործին օգնելու, նրա մարդկային ու բարոյական անբիծ կերպարը ցոյց տալու համար բերուած են Գր. Չուբարեանի, Միք. Մազմանեանի, Գր. Տէր-Յակոբեանի (Գրոյի), Ս. Մարտիրոսեանի եւ այլոց վկայութիւնները: Դրան հակառակ՝ կարծես արդարացման գործը կասեցնելու համար, ՊԱԿ-ի քննչական մարմինները՝ յանձին հետաքննչական բաժնի պետի տեղակալ Փիրուզեանի, մէջբերել են 1955ի յեղափոխական գործունէութիւնը մերկացնող 6 էջանոց դիւանային տուեալներ, պատճէնների քաղուածքներ, որպէսզի հիմնաւորուի Քաջազնունու արդարացման անհնարինութիւնը: Այդ ամէնի հիման վրայ ՊԱԿ-ը 1956ի Փետրուարի 28ին տալիս է բացասական «Եզրակացութիւն»: Դա դեռ բաւական չէ, ՊԱԿ-ից գրութիւն է ուղարկուել Հայկ. ՍՍՌ Գլխաւոր տնօրէն Թադեւոսեանին՝ հարցնելու, թէ Քաջազնունու յայտնի գիրքը հանուած է արդեօք շրջանառութիւնից: Տնօրէնը պատասխանել է, որ այն պահուում է յատուկ ֆոնդում եւ միաժամանակ գրքի բովանդակութեան վերաբերեալ արտայայտուել է բացասական երանգաւորումներով:

Խորհրդային բռնութեան մեքենան համարձակութիւն չունեցաւ անգամ խրուչչովեան «ճնիւղի» փուլում յետմահու արդարաց-

32 ՔԱՋԱԶՆՈՒՆԻ, Յ., Յետ Մահու, մշ. աշխ., էջ 14:

նել բռնադատուած անմեղ գործչին եւ մեծ քաղաքացուն: Արդիւնք չտուեցին նրա դատեր՝ Մարգարիտայի դիմումները, Քաջազնունուն ճանաչող մարդկանց միջնորդագրերը: Արդարացման հարցը յետաձգուեց, եւ ի վերջոյ խնդիրը լուծուեց միայն ԽՍՀՄ փլուզումից եւ Հայաստանի անկախութեան հռչակումից յետոյ: Անկախ Հայաստանի դատախազութիւնը, ուսումնասիրելով Քաջազնունու քրէական գործը, եզրակացրել է, որ նրան վերադրուած մեղադրանքները յանցագործութեան յատկանիշներ չեն պարունակել, գործի ուսումնասիրութեամբ պարզուել է, որ Քաջազնունին եղել է հայրենասէր, իր գործունէութեան ընթացքում պայքարել է բռնակալութեան դէմ՝ հայ ժողովրդի իղձերն իրականացնելու համար: Արդարացման որոշումը՝ 1992 Դեկտեմբերի 12ի հաստատմամբ, կայացրեց ՀՀ գլխաւոր դատախազ Արտաւազդ Գէորգեանը. «Որոշեցի՝ Յովհաննէս Քաջազնունու նկատմամբ քր. գործը կարգել յանցակազմի բացակայութեան պատճառով, նրան համարել արդարացուած եւ ռէաբիլիտացուած»³³:

Մինչեւ 1990ականները եւ՝ Մարգարիտային եւ՝ հանրութեանը անյայտ էր, թէ որտեղ է ամփոփուած Յովհաննէս Քաջազնունու աճիւնը: Մեծ հայի մարմինը ամփոփուած է եղել ներկայիս ժամացոյցի գործարանի տարածքում եղած «Կոզեռն» կոչուող գերեզմանատանը, որ, սակայն ժամացոյցի գործարան եւ դպրոց կառուցելու նպատակով հողին է հաւասարեցւում եւ այսպէս Քաջազնունու եւ միւս երեւելի մարդկանց աճիւնները անհետ կորչում են:

Հօր յիշատակը վառ պահելու նպատակով Մարգարիտայ Քաջազնունին յետագայում Թոխմախեան լճի գերեզմանատանը Յովհաննէս Քաջազնունու անունով յուշաքար է կանգնեցնում:

Անուրանալի է Յովհաննէս Քաջազնունու ծառայութիւնները Հայաստանի առաջին հանրապետութեան կերտման գործում, նա իր ողջ գիտակից կեանքը, կարողութիւններն եւ գիտելիքները նուիրեց իր հայրենիքի բարօրութեանը:

33 ՅԱԿՈԲԵԱՆ, Ա., մշ. աշխ., էջ 233-234:

Summary

HOVHANNES KAJAZNUNI IN SOVIET ARMENIA

HAYK MARTIROSYAN

The well-known national-political and party statesman Hovhannes Kajaznuni was one of the few Armenian politicians living in exile who could not withstand homesickness, and, ignoring all sorts of dangers, nevertheless returned to Soviet Armenia. In the historiography of Kajaznuni there is a lot of ambiguous information about the years in Soviet Armenia: few people know about the fate of the great Armenian after returning to the homeland. In Soviet Armenia, he worked as a highly qualified architect, received the title of professor, read lectures at the Technical Faculty of Yerevan University, and then at the Engineering Construction Institute. At the same time, he experienced deep disappointment in his life, in the face of the negative phenomena of the "personality cult" period. At the end of July of 1937, O. Kajaznuni was arrested, and on December 5 the k (USSR) ICRC Troika sentenced O. Kajaznuni as an active participant in the Dashnaktsutyun to death with the confiscation of his personal property. However, his execution was postponed on the basis of a diagnosis of tuberculosis, delivered by the prison doctor. Shortly thereafter, on January 15, 1938, at the age of 70, the first Prime Minister of the Republic of Armenia, Hovhannes Kajaznuni, died in the prison hospital.

ԱՅՐԱՐԱՏԻ ԿՈՒՍԱԿԱԼՈՒԹԵԱՆ

ԵՒ

ՎԱՉՈՒՏԵԱՆՆԵՐԻ ՍԵՓԱԿԱՆ ՏԱՐԱԾՔՆԵՐԻ ՍԱՀՄԱՆՆԵՐԸ

Զաքարեան Հայաստանի տիրակալ, շահնշահ Զաքարէ Բ. Զաքարեանը՝ 1205/6 թուականին կառավարման բնագաւառի բարենորոգում է իրականացրել Հայաստանի ազատագրուած տարածքում եւ հիմնել է կուսակալութիւններ¹: Նա դրանցից մէկը՝ Այրարատի կուսակալութիւնը յանձնել է իր վստահելի զօրավարներէ վաչէ Ա. Վաչուտեանին՝ շնորհելով նրան իշխանաց իշխան բարձրագոյն կոչում²:

Կուսակալ նշանակուած Վաչէ Ա. Վաչուտեանին՝ Զաքարէ Բ. ն բացի պետական պաշտօնին համապատասխան տարածքից, սեփականութեան իրաւունքով յանձնել է նոյն կուսակալութեան մէջ մտնող Արագածոտն, Շիրակ, Նիգ գաւառները, Անբերդ գաւառակը³, այդ թւում ռազմավարական խիստ կարեւոր նշանակութիւն ունեցող Անբերդ բերդաքաղաքը:

ԱՅՐԱՐԱՏԻ ԿՈՒՍԱԿԱԼՈՒԹԵԱՆ ՏԱՐԱԾՔԸ

Այրարատի կուսակալութեան տարածքը թէեւ ստացել է պատմական Այրարատի նահանգի անունը, քանի որ ստեղծուել է

- 1 ՊԵՏՐՈՍԵԱՆՑ Տ., Կուսակալութիւն-փոխարքայութիւնների հիմնումը Զաքարեան Հայաստանում, ի «Միջին Գոշ», 2017, թիւ 2, էջ 286-292:
- 2 PETROSYANTS, T., *The transference of the Ayrarat governorship-vicegerency to Vache I Vachutyan*, ի *Բազմավէպ*, 2016, թիւ 3-4, էջ 273-279:
- 3 ԶԱՔԱՐԻԱ ՔԱՆԱՔԵՆԻ, Պատմութիւն: Կոնդակ Սուրբ ուխտին Յօհաննու վանից, ՎԻՐԱԲԵԱՆ, Ա., (աշխտ.), Երեւան 2015, էջ 183: